

JAMHURI YA MUUNGANO WA TANZANIA

BUNGE LA TANZANIA



20 APRILI, 2021



ORODHA YA SHUGHULI ZA LEO

MKUTANO WA TATU

KIKAO CHA KUMI NA TATU – TAREHE 20 APRILI, 2021

I. DUA:

II. TAARIFA YA SPIKA:

III. MASWALI:

WAZIRI MKUU:

104. MHESHIMIWA LATIFA KHAMIS JUAKALI
(VITI MAALUM):

Atamuuliza Mheshimiwa Waziri Mkuu:-

Je, ni lini Vijana wa Tanzania watapewa stadi
mbalimbali za kuwaongezea ujuzi na maarifa
kupitia Mfuko wa Uwekezaji wa Wananchi
Kiuchumi.

OFISI YA RAIS (TAMISEMI):

105. MHESHIMIWA ENG. EZRA JOHN CHIWELESA (BIHARAMULO MAGHARIBI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Serikali ilitoa Sh.500,000,000/= kwa ajili ya ujenzi wa Hospitali ya Wilaya ya Biharamulo, lakini kiasi cha Sh.204,000,000/= kilirejeshwa baada ya kufunga Mwaka Julai, 2020:-

- (a) Je, ni lini fedha hizo zitarejeshwa ili ujenzi uendelee;
- (b) Gharama ya ujenzi ni Sh.1,500,000,000/=; Je, ni lini kiasi cha Sh.1,000,000,000/= kitatolewa ili kukamilisha ujenzi wa Hospitali hiyo.

WIZARA YA ELIMU, SAYANSI NA TEKNOLOJIA:

106. MHESHIMIWA FLATEI GREGORY MASSAY (MBULU VIJIJINI):

Atamuuliza Mheshimiwa Waziri wa Elimu, Sayansi na Teknolojia:-

Je, Serikali ina mpango gani wa kujenga Chuo cha VETA katika Jimbo la Mbulu Vijijini ili Vijana wapate ujuzi.

WIZARA YA MAJI:

107. MHESHIMIWA SHAMSIA AZIZI MTAMBA (MTWARA VIJIJINI):

Atamuuliza Mheshimiwa Waziri wa Maji:-

Je, Serikali ina mpango gani wa kupeleka maji ya Mto Ruvuma kwa Wananchi wa Mtwara ili kuondoa shida ya maji iliyodumu kwa muda mrefu.

108. MHESHIMIWA ANNA RICHARD LUPEMBE (NSIMBO):

Atamuuliza Mheshimiwa Waziri wa Maji:-

Je, ni lini Serikali itapeleka maji katika Kijiji cha Matandarani Kata ya Sitalike.

WIZARA YA MALIASILI NA UTALII:

109. MHESHIMIWA FESTO RICHARD SANGA (MAKETE):

Atamuuliza Mheshimiwa Waziri wa Maliasili na Utalii:-

Je, ni upi mkakati wa Serikali wa kuitangaza Hifadhi ya Taifa ya Kitulo ili ifahamike kwa Watalii wa ndani na nje.

WIZARA YA VIWANDA NA BIASHARA:

110. MHESHIMIWA DKT. CHARLES STEPHEN KIMEI (VUNJO):

Atamuuliza Mheshimiwa Waziri wa Viwanda na Biashara:- Mbali na kutafuta masoko ya ndani na nje kwa mazao ya Wakulima: -

Je, Serikali ina mkakati gani kupitia SIDO kutengeneza mashine zitakazosaidia kuchakata mazao ya Wakulima, kama vile mashine ya kutengeneza *chips* za Ndizi, Muhogo, Sauce za Nyama, Karoti, Pilipili hoho na Mbogamboga kwa gharama nafuu.

WIZARA YA UJENZI NA UCHUKUZI:

111. MHESHIMIWA AGNES ELIAS HOKORORO (VITI MAALUM):

Atamuuliza Mheshimiwa Waziri wa Ujenzi na Uchukuzi:-

Je, ni lini Serikali itakamilisha ahadi ya ujenzi wa barabara ya Mtwara – Tandahimba – Newala – Masasi hadi Nachingwea kwa kiwango cha lami.

112. MHESHIMIWA EDWIN ENOSY SWALLE (LUPEMBE):

Atamuuliza Mheshimiwa Waziri wa Ujenzi na Uchukuzi:- Barabara ya kutoka Kibena (Stop

Lupembe) mpaka Madeke C Mfiji, Km 125, imeshafanyiwa usanifu na upembuzi yakinifu tangu Mwaka 2015:-

Je, ni lini ujenzi wa barabara hiyo utaanza kwa kiwango cha lami.

113. MHESHIMIWA BENAYA LIUKA KAPINGA (MBINGA VIJIJINI):

Atamuuliza Mheshimiwa Waziri wa Ujenzi na Uchukuzi:-

• Je, ni lini Serikali itatekeleza ahadi ya Makamu wa Rais kwa Wananchi wa Mbinga ya kujenga barabara ya Mbinga – Litembo – Kigonsera hadi Matiri kwa kiwango cha lami.

IV. HOJA ZA SERIKALI:

WAZIRI WA NCHI, OFISI YA RAIS (TAMISEMI):

Kwamba, Bunge sasa likubali kupokea na kupidisha Makadirio ya Mapato na Matumizi ya Ofisi ya Rais (TAMISEMI) kwa Mwaka wa Fedha 2021/2022.

(Majadiliano yanaendelea)

**DODOMA
20 APRILI, 2021**

**S. KAGAIGAI
KATIBU WA BUNGE**